

Православный молитвослов



Молитвослов

Молитвы на сон грядущим от Антипасхи до Троицы

Начни сице:

Молитвами святых отец наших, Господи Иисусе Христе, Боже наш, помилуй нас, аминь.

От Пасхи до Вознесения, тропарь Пасхи, глас 5:

Христос воскрес из мертвых, / смертию смерть поправ / и сущим во гробех живот даровав. *(трижды)*

От Вознесения до Троицы, сразу начинаем Трисвятое:

Святый Боже, Святый Крепкий, Святый Безсмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *трижды.*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари сия:

Помилуй нас, Господи, помилуй нас; / всякаго бо ответа недоумюще, / сию Ти молитву яко Владыце, грешнии приносим: / помилуй нас.

Слава: Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне яко благоутробен, и избави ны от враг наших; / Ты бо еси Бог наш, и мы людие Твои, / вси дела рук Твоих, и имя Твое призываем.

И ныне: Милосердия двери отверзи нам, / благословенная Богородице, / надеющиеся на Тя да не погибнем, / но да избавимся Тобою от бед: / Ты бо еси спасение рода христианскаго.

Таже: Гóсподи, помíлуй, 12.

**Молитва 1,
святаго Макария Великаго, к Богу Отцу:**

Бóже вéчный и Царю всякаго создáния, сподóбивый мя дáже в час сей dospéти, прости ми грехí, яже сотворíх в сей день дéлом, слóвом и помышлénием, и очисти, Гóсподи, смирénную мою дúшу от всякия сквэрны плóти и дúха. И даждь ми, Гóсподи, в нощí сей сон прейтí в мíре, да востáв от смирénнаго ми лóжа, благоугождú пресвятóму íмени Твоемú, во вся дни животá моего, и поперú борющия мя врагí плотскíя и безплóтныя. И избáви мя, Гóсподи, от помышлénий сýетных, оскверняющих мя, и пóхотей лукавых. Яко Твое есть царство, и сíла и слава, Отца и Сына и Святаго Дúха, ныне и прíсно и во вéки векóв. Амíнь.

**Молитва 2,
святаго Антиоха, ко Господу Иисусу Христу:**

Вседержителю, Слово Óтчее, Сам совершен сый, Иисúсе Христé, многаго ráди милосérдия Твоего никогдаже отлучáйся менé, раба Твоего, но всегда во мне почивáй. Иисúсе, дóбрый Пáстырю Твоих овéц, не предаждь менé крамолé змиине, и желáнию сатанинóму не остави менé, яко сéмя тли во мне есть. Ты úбо, Гóсподи Бóже покланяемый, Царю Святы́й, Иисúсе Христé, спяща мя сохрани немерцающим свéтом, Дúхом Твоим Святым, Íмже освятил еси Твоя ученики. Дажь, Гóсподи, и мне, недостóйному рабу Твоемú, спасéние Твое на лóжи моём: просвети ум мой свéтом рáзума святаго Евáнгелия Твоего, дúшу любóвию Крестá Твоего, сёрдце чистотою словесé Твоего, тéло моé Твоею страстию безстрастною, мысль мою Твоим смирénием сохрани, и воздвигни мя во врэмя подобно на Твое славослóвие. Яко препрослáвлен еси со Безначáльным Твоим Отцём и с Пресвятым Дúхом во вéки. Амíнь.

Молитва 3, ко Пресвятому Духу:

Гóсподи, Царю Небéсный, Утéшителю, Дúше íстины, умилосérдися и помíлуй мя грéшнаго раба Твоего, и отпусти ми недостóйному, и прости вся, елика Ти согрешíх днесь яко человек, пáче же и не яко человек, но и горéе скотá, вольныя моя грехí и невольныя, вéдомыя и неведомыя: яже от юности и от наúки злы, и яже суть от нагльства и уны́ния. Аще íменем Твоим кля́хся, или похúлих é в помышлénии моём; или когó укорíх; или оклеветáх когó гнёвом моим, или опечáлих, или о чем прогнёвахся; или солгáх, или безгóдно спах, или нищ прииде ко мне, и презрэх его; или брата моего опечáлих, или свáдих, или когó осудíх; или развеличáхся, или разгордэхся, или разгнёвахся; или стоящу ми на молíтве, ум мой о лукавствии мíра сегó подвìжеся, или возвращéние помыслих; или объядóхся, или опíхся, или без умá смея́хся; или лукавое помыслих, или доброту чуждóму видев, и тою уязвен бых сёрдцем; или неподóбная глаголах, или греху брата моего посмея́хся, моя же суть безчíсленная согрешéния; или о молíтве не радíх, или íно что содеях лукавое,

не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно и во веки. Аминь.

Молитва 4, святого Макария Великаго:

Что Ти принесу, или что Ти воздам, великодаровитый Безсмертный Царю, щедре и Человеколюбче Господи, яко ленящаяся мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, единые Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послй ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изволением и совестью; даруй ми воставшу словесем Твоим поучиться, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и приими Сию молящуюся за ны; вем бо, яко подражает Твое человеколюбие, и молящаяся не престаёт. Тоя заступлением, и Честнаго Креста знаменем, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

Молитва 5:

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послй, покрывающая и соблюдающая мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва 6:

Господи Бóже наш, в Него́же вéровахом, и Егóже íмя пáче всякаго íмене призывáем, даждь нам, ко сну отходя́щим, осла́бу души́ и тéлу, и соблюди́ нас от всякаго мечтáния, и тёмныя слáсти кромé; устáви стремлéние страстéй, угаси́ разжéния востáния телéснаго. Дажь нам целомúдренне пожíти дéлы и словесы́; да добродéтельное жítельство восприёмлюще, обетовáнных не отпадём благíх Тво́их, я́ко благословéн еси́ во вéки. Амíнь.

**Молитва 7,
святаго Иоанна Златоустаго:**

Господи, не лишí менé небéсных Тво́их благ. Господи, избáви мя вéчных мук. Господи, умóм ли или́ помышлéнием, слóвом или́ дéлом согрешíх, прости́ мя. Господи, избáви мя всякаго невédения и забвéния, и малодúшия, и окаменéннаго нечúвствия. Господи, избáви мя от всякаго искушéния. Господи, просвети́ моé сéрдце, е́же помрачи́ лукавое похотéние. Господи, аз я́ко человек согрешíх, Ты же я́ко Бог щедр, помíлуй мя, видя нéмощь души́ моея́. Господи, послí благодáть Твою́ в пóмощь мне, да прослáвлю íмя Твоé святóе. Господи Иисúсе Христé, напиши́ мя рабá Твоего́ в кни́зе живóтней и дáруй ми конéц благíй. Господи, Бóже мой, áще и ничтóже блáго сотвори́х пред Тобóю, но даждь ми по благодáти Твое́й положíти началó блáгое. Господи, окропи́ в сéрдце моём рóсу благодáти Твоея́. Господи небесé и землí, помяни́ мя грéшнаго рабá Твоего́, стúднаго и нечúстаго, во Цáрствии Твоём. Амíнь.

Господи, в покая́нии приими́ мя. Господи, не оста́ви менé. Господи, не введи́ менé в напáсть. Господи, даждь ми мысль блáгу. Господи, даждь ми слéзы и пáмять смéртную, и умилéние. Господи, даждь ми пóмысл исповédания грехóв мо́их. Господи, даждь ми смирéние, целомúдрие и послушáние. Господи, даждь ми терпéние, великодúшие и крóтость. Господи, всели́ в мя кóрень благíх, страх Твой в сéрдце моé. Господи, сподóби мя любíти Тя от всея́ души́ моея́ и помышлéния и творíти во всем волю́ Твою́. Господи, покрый́ мя от человек нéкоторых, и бесóв, и страстéй, и от всякия инýя неподóбныя вéщи. Господи, вéси, я́ко творíши, я́коже Ты волиши, да бúдет воля́ Твоя́ и во мне грéшнем, я́ко благословéн еси́ во вéки. Амíнь.

**Молитва 8,
ко Господу нашему Иисусу Христу:**

Господи Иисúсе Христé, Сы́не Бóжий, рáди честнейшия Мáтере Твоея́, и безплóтных Тво́их Áнгел, Проро́ка же и Предтéчи и Крестíтеля Твоего́, богоглагóливых же апóстол, свéтлых и добропобéдных мúченик, преподóбных и богонóсных отéц, и всех святýх молíтвами, избáви мя настоя́щаго обстоя́ния бесóвскаго. Ей, Господи мой и Творче, не хотя́й смéрти грéшнаго, но я́коже обратíтся и жíву бýти е́му, даждь и мне обращéние окая́нному и недостóйному; изми́ мя от уст пáгубнаго зми́я, зия́ющаго пожрéти мя и свести́ во ад жíва. Ей, Господи мой, утешéние моé, Ё́же менé рáди окая́ннаго в тлéнную плоть оболкíйся, истóргни мя от окая́нства, и утешéние подáждь души́

моёй окаянной. Всади в сердце моё творить Твоё повеления, и оставить лукавая деяния, и получить блаженства Твоё: на Тя бо, Господи, уповах, спаси мя.

**Молитва 9,
ко Пресвятей Богородице,
Петра инокa Студийскаго:**

К Тебё Пречистой Божией Матери аз окаянный припадая молюся: веси, Царице, яко безпрестани согрешаю и прогневлию Сына Твоего и Бога моего, и многажды аще каюся, лож пред Богом обретаюся, и каюся трепеща: неужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творить да подаши ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасёт, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

**Молитва 10,
ко Пресвятей Богородице:**

Благого Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобою рай да обрящу, Богородице Дево, едина Чистая и Благословенная.

**Молитва 11,
ко святому Ангелу хранителю:**

Ангеле Христов, хранителю мой святой и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достоин мя покажеша благи и милости Всесвятыя Троицы и Матере Господа моего Иисуса Христа и всех святых. Аминь.

Взбранной Воеводе победительная, / яко избавльшися от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти; / радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасёт Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене, грешного, требующа Твоея помощи и Твоего заступления, на Тя бо упова душа моя, и помилуй мя.

**Таже молитва
святого Иоанникия:**

Упование мое Отец, прибежище мое Сын, покров мой Дух Святыи: Троице Святая, слава Тебе.

От Пасхи до Вознесения вместо этой молитвы читается припев и ирмос 9-й песни Пасхального канона:

Ангел вопиаше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвыя воздвигнувый; людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

От Вознесения до Троицы, Достойно есть, как обычно:

Достойно есть яко воистину блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем

Таже: Слава, и ныне: Господи, помилуй, ***трижды.***

И отпуст.

Господи, Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, спаси мя, грешного.

**Молитва святого Иоанна Дамаскина,
юже указуя на одр твой, глаголи:**

Владыко Человеколюбче, неужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстоит. Судя Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святого Ангела хранителя моего. Вем убо, Господи, яко недостойн есмь человеколюбия Твоего, но достоин есмь всякаго осуждения и муки. Но, Господи, или хочу, или не хочу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоея. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благодати и милосердию: и якоже хощеши, устрой о мне вещь.

**И тако хотяй возлещи на постелю,
глаголи сие:**

Просвети́ очи мой, Христé Бóже, / да не когда́ усну́ в смерть, / да не когда́ речёт враг мой: / укрепихся на него́.

Слава: Заступник души́ моея́ буди, Бóже, / яко посреде́ хожду́ сетей мно́гих; / избáви мя от них / и спаси́ мя, Блáже, яко Человеколю́бец.

И ныне, Богородичен: Преслáвную Бóжию Мáтерь, и святых́ А́нгел Святéйшую, / немóлно воспойм сёрдцем и усты́, / Богородицу сию́ исповедающе, / яко воистинну рóждшую нам Бóга воплощённа, / и молящуюся непрестáнно о душа́х нáших.

Таже целуй крест твой, и прекрести крестом место твое от главы до ног, также и от всех стран, глаголя:

Молитва Честному Кресту:

Да воскреснет Бог, и расточáтся врази́ Его́, и да бежа́т от лица́ Его́ ненави́дящи Его́. Яко исчеза́ет дым, да исче́знут; яко та́ет воск от лица́ огня́, тако да поги́бнут бе́си от лица́ любящих Бóга и зна́менующихся крестным зна́мением, и в весéлии глаголющих: ра́дуйся, Пречестный и Животворя́щий Кресте Го́сподень, прогоня́яй бе́сы си́лою на тебе́ пропя́таго Го́спода нáшего Иису́са Христа́, во ад сше́дшаго и попра́вшего си́лу диа́волу, и дарова́вшаго нам тебе́ Крест Свой Честный на прогна́ние вся́каго супоста́та. О, Пречестный и Животворя́щий Кресте Го́сподень! Помога́й ми со Свято́ю Госпоже́ю Де́вою Богородице́ю и со все́ми святы́ми во ве́ки. Ами́нь.

Или кратко:

Оградí мя, Го́споди, си́лою Честна́го и Животворя́щаго Твоего́ Креста́, и сохрани́ мя от вся́каго зла.

Таже:

Осла́би, оста́ви, прости́, Бóже, прегрешéния нáша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышлéнии: вся нам прости́, яко Благ и Человеколю́бец.

Молитва:

Ненави́дящих и обидящих нас прости́, Го́споди Человеколю́бче. Благотворя́щим благосотвори́. Бра́тиям и сродником нáшим да́руй я́же ко спасéнию проше́ния и жизнь ве́чную. В немо́щих сущия посети́ и исцелéние да́руй. И́же на мóри упра́ви. Путешéствующим спутешéствуй. Служáщим и мило́ющим нас грехóв оставлéние да́руй. Заповéдавших нам недостóйным молíтися о них помíлуй по вели́цей Твое́й мило́сти. Помяни́, Го́споди, прэ́жде усóпших отéц и бра́тий нáших и упоко́й их, иде́же присещáет свет лица́ Твоего́. Помяни́, Го́споди, бра́тий нáших пленённых и избáви я́ от вся́каго обстоя́ния. Помяни́, Го́споди, плодоно́сящих и добродéлающих во святых́ Твои́х це́рквах, и

даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

Исповедание грехов повседневное

Исповедую Тебе Господу Богу моему и Творцу, во Святей Троице Единому, славимому и покланяемому, Отцу и Сыну и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшие дни и ночи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлбием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

Когда отходишь ко сну, глаголи:

В руке Твоей, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.